

groß / darnach / wann sie beginnen hart vnd trucken zu werden / so nim
 Anschlit / das gar weiß ist / Item das weisse von einem Eye / vnd schlage
 es vmb die Kugeln / vnd wann sie dann hart werden / so bohre mit einem
 Pfrim ein löchlein / vnd thue Fewr drein: wann du dann Fewr haben
 wilst / so stecke ein Schwebelkerzen darein.

Vnrtechende Zinnstriche zu machen.

Lege denn Zinnstrich 14. tage lang in frisch Wasser / wäsche ihnen
 wol / vnd lasse ihn trucken werden.

Das XIX. Capittel.

Helt in sich ein sehr lustig Gespräch / der
 beyden Meistere Pyracmon: vnd Vulcani betref-
 fende / die löbliche Kunst der Büchsen-
 meisterey.

Dialogus

Zwischen Pyracmonem vnd Vulcanum.

Pyracmon.

Wo mich meine Augen nicht betriegen / so sihe ich dort herunter
 gehen den Vulcanum. Vnd zwar so bedünckt mich gänzlich /
 das er etwas sonderlichs fürhabe / vnd bey sich selber gleich fro-
 locke / ich gleube nicht / das Africa / wie man dauon schreibet / so viel ne-
 we vnd wunderselbame Thiere könne gebähren / als eben dieser Vulcanus /
 in deme er so vielerley neue Anschläge vnd Sachen in seinem Gehirn vnd
 Kopffe täglich schmiedet: vnd zwar so hat er meines erachtens seinen rech-
 ten Namen bekommen. Dann die Poeten diesen Vulcanum zum Gott
 des Schmiedens gemacht haben / vnd gleichermassen dieser Gott Vulca-

Ec. iij

nus